

<<汉书>>

图书基本信息

书名：<<汉书>>

13位ISBN编号：9787805989761

10位ISBN编号：7805989761

出版时间：2008-8

出版时间：山西古籍出版社

作者：班固

页数：241

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<汉书>>

内容概要

《汉书》是我国第一部纪传体的断代史，是东汉时期（公元25年～公元220年）最重要的历史著作，由东汉史学家班固所著。

《汉书》起自汉高祖刘邦，止于平帝、王莽，写了西汉王朝二百多年的历史，是我国第一部断代史。全书体例分四类，包括纪、表、志、传。

本书精选了原著中的一些经典选段，除了表外，其他体例均有涉及。

书后还附有《汉书》大事系年、名言警句、主要版本及重要研究著作。

本书以王先谦的《汉书补注》为底本，主要参考唐代颜师古所作《汉书》注、近代杨树达《汉书窥管》、陈直《汉书新证》等，分段进行了较为详细的注释。

注释选择生僻、难懂的词语，古今差异较大的官职、地名、风物予以注解，并对难字括注汉语拼音。

此外，颜注及其他参考书未有标明的生僻字之音义均采自1983年修订本《辞源》，官职、地名、风物之释义采自1983年修订本《辞源》、1999年修订本《辞海》及1997年修订本《中国大百科全书》、《中国历史》等。

对诸参考书中字、词、句的不同诠释，依据注者认识加以注解，或择一而从，或自行撰注，并未全都一一给予标注。

为方便读者使用，书末附有“《汉书》大事系年”、“《汉书》主要版本及重要研究著作”、“《汉书》名言警句”（在正文中用着重号标出）。

<<汉书>>

作者简介

作者：(汉)班固 译者：马玉山 胡恤琳

<<汉书>>

书籍目录

前言《史记》和《汉书》（代序）朱自清纪 宣帝纪（节选）志 食货志（节选）艺文志（节选）传
楚元王传 李广苏建传 张骞李广利传 霍光金日蝉传 赵充国辛庆忌传 隗疏于薛平彭传（节选）王贡
两龚鲍传（节选）萧望之传（节选）翟方进传 谷永杜邺传（节选）附录《汉书》大事系年《汉书》
名言警句《汉书》主要版本及重要研究著作

<<汉书>>

章节摘录

孝宣皇帝，武帝曾孙，戾太子孙也。

太子纳史良娣，生史皇孙。

皇孙纳王夫人，生宣帝，号曰皇曾孙。

生数月，遭巫蛊事，太子、良娣、皇孙、王夫人皆遇害。

语在《太子传》。

曾孙虽在襁褓，犹坐收系郡邸狱。

而邴(丙)吉为廷尉监，治巫蛊于郡邸，怜曾孙之亡(无)辜，使女徒复作淮阳赵徵卿、渭城胡组更乳养，私给衣食，视遇甚有恩。

巫蛊事连岁不决。

至后元二年，武帝疾，往来长杨、五柞宫，望气者言长安狱中有天子气，上遣使者分条中都官狱系者，轻重皆杀之。

内谒者令郭穰夜至郡邸狱，吉拒闭，使者不得入，曾孙赖吉得全。

因遭大赦，吉乃载曾孙送祖母史良娣家。

语在《吉》及《外戚传》。

后有诏掖庭养视，上属籍宗正。

时掖庭令张贺尝事戾太子，思顾旧恩，哀曾孙，奉养甚谨，以私钱供给教书。

既壮，为取暴室啬夫许广汉女，曾孙因依倚广汉兄弟及祖母家史氏。

受《诗》于东海後中翁，高材好学，然亦喜游侠，斗鸡走马，具知闾里奸邪，吏治得失。

数上下诸陵，周遍三辅，常困于莲勺卤中。

尤乐杜、郾之间，率常在下杜。

时会朝请，舍长安尚冠里，身足下有毛，卧居数有光耀。

每买饼，所从买家辄大讎，亦以是自怪。

元平元年四月，昭帝崩，毋嗣。

大将军霍光请皇后征昌邑王。

六月丙寅，王受皇帝玺绶，尊皇后曰皇太后。

癸巳，光奏王贺淫乱，请废。

语在《贺》及《光传》。

秋七月，光奏议曰：“礼，人道亲亲故尊祖，尊祖故敬宗。

大宗毋嗣，择支子孙贤者为嗣。

孝武皇帝曾孙病已，有诏掖庭养视，至今年十八，师受《诗》、《论语》、《孝经》，操行节俭，慈仁爱人，可以嗣孝昭皇帝后，奉承祖宗，子万姓。

”奏可。

遣宗正德至曾孙尚冠里舍，洗沐，赐御府衣。

太仆以轸猎车奉迎曾孙，就齐(斋)宗正府。

庚中，入未央宫，见皇太后，封为阳武侯。

已而群臣奉上玺绶，即皇帝位，谒高庙。

九月，大赦天下。

十一月壬子，立皇后许氏。

赐诸侯王以下金钱，至吏民鳏寡孤独各有差。

皇太后归长乐宫。

初置屯卫。

本始元年春正月，募郡国吏民訾(货)百万以上徙平陵。

遣使者持节诏郡国二千石谨牧养民而风德化。

大将军光稽首归政，上谦让委任焉。

论定策功，益封大将军光万七千户，车骑将军光禄勋富平侯安世万户。

<<汉书>>

诏曰：“故丞相安平侯敞等居位守职，与大将军光、车骑将军安世建议定策，以安宗庙，功赏未加而薨。

其益封敞嗣子忠及丞相阳平侯义、度辽将军平陵侯明友、前将军龙雒侯增、太仆建平侯延年、太常蒲侯昌、谏大夫宜春侯谭、当涂侯平、杜侯屠耆堂、长信少府关内侯胜邑户各有差。

封御史大夫广明为昌水侯，后将军充国为营平侯，大司农延年为阳城侯，少府乐成为爱氏侯，光禄大夫迁为平丘侯。

赐右扶风德、典属国武、廷尉光、宗正德、大鸿胪贤、詹事畸、光禄大夫吉、京辅都尉广汉爵皆关内侯。

德、武食邑。

”夏四月庚午，地震。

诏内郡国举文学高第各一人。

五月，凤皇集胶东、千乘。

赦天下。

赐吏二千石、诸侯相，下至中都官、宦吏、六百石爵，各有差，自左更至五大夫。

赐天下人爵各一级，孝者二级，女子百户牛酒。

租税勿收。

六月，诏曰：“故皇太子在湖，未有号谥。

岁时祠，其议谥，置园邑。

”语在《太子传》。

秋七月，诏立燕刺王太子建为广阳王，立广陵王胥少子弘为高密王。

二年春，以水衡钱为平陵，徙民起第宅。

夏五月，诏曰：“朕以眇(渺)身奉承祖宗，夙夜惟念孝武皇帝躬履仁义，选明将，讨不服，匈奴远遁，平氏、羌、昆明、南越，百蛮乡(向)风，款塞来享；建太学，修郊祀，定正朔，协音律；封泰山，塞宣房，符瑞应，宝鼎出，白麟获。

功德茂盛，不能尽宣，而庙乐未称，其议奏。

”有司奏请宜加尊号。

六月庚午，尊孝武庙为世宗庙，奏《盛德》、《文始》、《五行》之舞，天子世世献。

武帝巡狩所幸之郡国，皆立庙。

赐民爵一级，女子百户牛酒。

匈奴数侵边，又西伐乌孙。

乌孙昆弥及公主因国使者上书，言昆弥愿发国精兵击匈奴，唯天子哀怜，出兵以救公主。

秋，大发兴调关东轻车锐卒，选郡国吏三百石伉健习骑射者，皆从军。

御史大夫田广明为祁连将军，后将军赵充国为蒲类将军，云中太守田顺为虎牙将军，及度辽将军范明友、前将军韩增，凡五将军，兵十五万骑，校尉常惠持节护乌孙兵，成击匈奴。

三年春正月癸亥，皇后许氏崩。

戊辰，五将军师发长安。

夏五月，军罢。

祁连将军广明，虎牙将军顺有罪，下有司，皆自杀。

校尉常惠将乌孙兵入匈奴右地，大克获，封列侯。

大旱。

郡国伤旱甚者，民毋出租赋。

三辅民就贱者，且毋收事，尽四年。

四年春正月，诏曰：“盖闻农者兴德之本也，今岁不登，已遣使者振(赈)贷困乏。

其令太官损膳省宰，乐府减乐人，使归就农业。

丞相以下至都官令丞上书入谷，输长安仓，助贷贫民。

民以车船载谷入关者，得毋用传。

”三月乙卯，立皇后霍氏。

<<汉书>>

赐丞相以下至郎吏从官金钱帛各有差。

赦天下。

夏四月壬寅，郡国四十九地震，或山崩水出。

诏曰：“盖灾异者，天地之戒也。

朕承洪业，奉宗庙，托于士民之上，未能和群生。

乃者地震北海、琅邪，坏祖宗庙，朕甚惧焉。

丞相、御史其与列侯、中二千石博问经学之士，有以应变，辅朕之不逮，毋有所讳。

令三辅、太常、内郡国举贤良方正各一人。

律令有可蠲除以安百姓，条奏。

被地震坏败甚者，勿收租赋。

”大赦天下。

上以宗庙堕，素服，避正殿五日。

三月，假郡国贫民田。

夏六月，诏曰：“盖闻尧亲九族，以和万国。

朕蒙遗德，奉承圣业，惟念宗室属未尽而以罪绝，若有贤材，改行劝善，其复属，使得自新。

”冬十一月，楚王延寿谋反，自杀。

十二月癸亥晦，日有蚀之。

二年春三月庚午，大司马大将军光薨。

诏曰：“大司马大将军博陆侯宿卫孝武皇帝三十馀年，辅孝昭皇帝十有馀年，遭大难，躬秉义，率三公、诸侯、九卿、大夫定万世策，以安宗庙。

天下蒸庶，咸以康宁，功德茂盛，朕甚嘉之。

复其后世，畴其爵邑，世世毋有所与。

功如萧相国。

”夏四月，凤皇集鲁郡，群鸟从之。

大赦天下。

上始亲政事，又思报大将军功德，乃复使乐平侯山领尚书事，而令群臣得奏封事，以知下情。

五日一听事，自丞相以下各奉职奏事，以傅(敷)奏其言，考试功能。

侍中尚书功劳当迁及有异善，厚加赏赐，至于子孙，终不改易。

枢机周密，品式备具，上下相安，莫有苟且之意也。

三年春三月，诏曰：“盖闻有功不赏，有罪不诛，虽唐虞犹不能以化天下。

今胶东相成劳来不怠，流民自占八万馀口，治有异等。

其秩成中二千石，赐爵关内侯。

”又曰：“鰥寡孤独高年贫困之民，朕所怜也。

前下诏假公田，贷种、食。

其加赐鰥寡孤独高年帛。

二千石严教吏谨视遇，毋令失职。

”令内郡国举贤良方正可亲民者。

<<汉书>>

编辑推荐

《汉书》是中国家庭基本藏书之一。

版权说明

本站所提供下载的PDF图书仅提供预览和简介，请支持正版图书。

更多资源请访问:<http://www.tushu007.com>